

禮佛讚

佛光普照。法界增輝。弟子虔誠皈命禮。

勤修福慧行。仰祈如來。普濟諸群生。

南無普濟眾菩薩摩訶薩(三稱)

般若波羅蜜多心經

觀自在菩薩，行深般若波羅蜜多時，照見五蘊皆空，度一切苦厄。

舍利子!色不異空，空不異色，色即是空，空即是色，受想行識亦

復如是，舍利子!是諸法空相，不生不滅，不垢不淨，不增不減。

是故空中無色無受想行識，無眼耳鼻舌身意，無色聲香味觸法。

無眼界乃至無意識界，無無明亦無無明盡，乃至無老死亦無老死

盡。無苦集滅道。無智亦無得，以無所得故。

菩提薩埵，依般若波羅蜜多故，心無罣礙，無罣礙故，無有恐怖，

遠離顛倒夢想，究竟涅槃。

三世諸佛，依般若波羅蜜多故，得阿耨多羅三藐三菩提。

故知般若波羅蜜多，是大神咒，是大明咒，是無上咒，是無等等

咒，能除一切苦，真實不虛。故說般若波羅蜜多咒，即說咒曰：

揭諦 揭諦 波羅揭諦 波羅僧揭諦 菩提薩婆訶。

佛前大供

南無靈山會上佛菩薩(三稱)

南無常住十方佛 南無常住十方法

南無常住十方僧 南無本師釋迦牟尼佛

南無消災延壽藥師佛 南無極樂世界阿彌陀佛

南無當來下生彌勒尊佛 南無十方三世一切諸佛

南無大智文殊師利菩薩 南無大行普賢菩薩

南無大悲觀世音菩薩 南無大願地藏王菩薩

南無大迦葉尊者 南無阿難陀尊者

南無舍利弗尊者 南無目犍連尊者

南無護法諸天菩薩 南無迦藍聖眾菩薩

南無歷代祖師菩薩

四弘誓願

眾生無邊誓願度

煩惱無盡誓願斷

法門無量誓願學

佛道無上誓願成

變食真言

南無薩瓦怛他也多，瓦嚧枳帝

唵，三跋囉，三跋囉吽（三遍）

甘露水真言

南無蘇嚕婆耶 怛他也多耶

怛姪他 唵 蘇嚕蘇嚕

鉢囉蘇嚕 鉢囉蘇嚕 娑婆訶（三遍）

供養偈

此食色香味，上供十方佛

中奉諸聖賢，下及六道品

等施無差別，隨願皆飽滿

令今施者得，無量波羅蜜

三德六味，供佛及僧

法界有情，普同供養

供 養 讚

天廚妙供，禪悅酥醅

香花時果共燈塗

虔誠獻佛陀，達摩僧伽

唯願哀納受

南無普供養菩薩摩訶薩

摩訶般若波羅蜜